



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ-39/6

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«10» Հոկտեմբերի 2023թ.

Երևանի քաղաքապետարանի աշխատակազմի հասարակական կարգի պահպանության ծառայության աշխատակից Ա. Թաթոսյանի կողմից 31.08.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 43.1-րդ հոդվածի 3-րդ մասի 9-րդ կետով նախատեսված վարչական իրավախախտում, մասնավորապես՝ քաղաքացի Ջավեն Արարատի Ասատրյանի կողմից Երևան քաղաքի Ղափանցյան փողոցի հ. 59/1 հասցեի հարևանությամբ՝ չսահմանված և չնախատեսված տեղում թափվել է մեկից ավելի խորանարդ մետր ծավալով շինարարական աղբ, որի վերաբերյալ 31.08.2023 թվականին կազմվել է թիվ Ա-003612 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Հարուցված վարչական վարույթի շրջանակներում 10.10.2023 թվականին գործի քննությանը ներկայացավ և մասնակցեց քաղաքացի Ջավեն Արարատի Ասատրյանի (նույնականացման քարտ 003640687 տրված 26.01.2015 թվականին 057-ի կողմից): Վերջինս վարչական մարմնին բացատրություն տվեց այն մասին, որ տեղյակ չի եղել, որ նշված վայրում արգելված է աղբ թափելը: Ընդունում է իրավախախտումը: Իր նկատմամբ առաջին անգամ է արձանագրություն կազմվել:

Քաղաքացի Ջավեն Արարատի Ասատրյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, Հայաստանի Հանրապետության ինտերնետով ծանուցման պաշտոնական «azdarar.am» կայքից կատարված քաղվածքները, ինչպես նաև քաղաքացի Ջավեն Արարատի Ասատրյանի կողմից տրված բացատրությունները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 31.08.2023 թվականին քաղաքացի Ջավեն Արարատի Ասատրյանի կողմից Երևան քաղաքի Ղափանցյան փողոցի հ. 59/1 հասցեի հարևանությամբ՝ չսահմանված և չնախատեսված տեղում թափվել է մեկից ավելի խորանարդ մետր ծավալով շինարարական աղբ:

Քաղաքացի Ջավեն Արարատի Ասատրյանի կողմից թույլ է տրվել Օրենսգրքի 43.1-րդ հոդվածի 3-րդ մասի 9-րդ կետով նախատեսված վարչական իրավախախտում:

Հաշվի առնելով քաղաքացի Ջավեն Արարատի Ասատրյանի կողմից տրված բացատրությունները, և այն հանգամանքը, որ վերջինիս կողմից առաջին անգամ է թույլ տրվել Օրենսգրքի 43.1-րդ հոդվածի 3-րդ մասի 9-րդ կետով նախատեսված վարչական իրավախախտում, ինչպես նաև հետազոտելով գործում առկա բոլոր նյութերը, հետևում է, որ քննարկվող դեպքում առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 43.1-րդ հոդվածի 3-րդ մասի 9-րդ կետի համաձայն՝ մեկից ավելի խորանարդ մետր ծավալով շինարարական աղբ թափելը՝ առաջացնում է տուգանք ֆիզիկական անձի նկատմամբ՝ նվազագույն աշխատավարձի հիսնապատիկից ութսունապատիկի չափով, իսկ իրավաբանական անձի նկատմամբ՝ երկուհարյուրապատիկից երեքհարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 43.1-րդ հոդվածի 3-րդ մասի 9-րդ կետով, 219.1-րդ, 252-րդ, 281-րդ և 282-րդ հոդվածներով, «Վարչարարության հիմունքների և վարչական վարույթի մասին» օրենքի 29.1-րդ հոդվածով, Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Քաղաքացի Ջավեն Արարատի Ասատրյանին Օրենսգրքի 43.1-րդ հոդվածի 3-րդ մասի 9-րդ կետով ենթարկել վարչական պատասխանատվության՝ նշանակելով վարչական տույժ 50.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՍ ՄԱՐՏԻՐՈՍՅԱՆ